

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

Naalackersuisunut apeqquteqaat:

- 1) Naalackersuisut Nunatsinni nipilersortartut peqatigiiffiat tusarniaaffiginagu aammalu nipilersortatut saqqummersitarisimasaat nipilersortartut toqqagassinnagit Tusass Musicimut ilanngutsitaalernerat ilisimasaqarfigivaat?
- 2) Naalackersuisut qanoq isumaqarfigivaat Tusass Musiceqalerneratigut nipilersortartut nunarsuarmioqatigiit nipilersuutininik siammarterivii assigiinngitsut atorlugit kiffaangissuseqarlutik siammarterisinnaanannerannik innarliisoqalernerat?
- 3) Naalackersuisut nunatsinni eqqumiitsuliornerup kiffaangissuseqartumik nunarsuarmioqataasunut avammut nittarsaassisinnaanerannut saqqumilaarsinnaaniissaannullu killilersuiniartoqalernerat Inatsisartut ilisimanngisaannik isumaqatiginninniarsimanerpat?
3b. Allaat kalaallit nipilersuutininik immiussimasaat tamaasa Tusass Musicimut ilineqartussianngorlugit, nipilersortartut avammut namminneerlutik siammarterisinnaanerat innarlerlugu?
- 4) Tusass Musiceqalerpat aningaasat iluanaarutaasut kikkunnet tussappat aammalu qanoq annertutigissappat?

(Inatsisartunut ilaasortaq Najaaraq Møller, Siumut)

Tungavilersuut:

Sermitsiaq.ag Novemberip 21-iani 2023-imi saqqummersippaa Tusassip nunatsinni nipilersortatut immiullugit nipilersuusiat, saqqummersitsiviit marluk suleqatigalugit, kisermaassilerlutik, nittartakkakut ataatsimoortilerlugit katersuunnialeraat. Atuisunut kalaallit nipilersuusianaannik tusarnaarusuttut app'imik pisisariaqalerneramik qaammammullu akiliisitsisalerneramik kinguneqassalluni, tamanna nipilersortartut peqatigiiffiat nipilersortartullu avaqqullugit suliarineqarsimavoq, ilaatigut toqqammavilersuutigineqarluni nipilersortartunngooq taamaalillutik akissarsionerulerniassammata, tamannalu eqqumiitsuliorlut inatsisaanniittoq Inatsisartut inatsisaat nr. 25, 28. november 2019-imeersoq eqquutsitinngilaq. Nipilersortartut nunarsuarmioqatigiit nittarsaavii allat, soorlu Spotify, atorineqarsinnaajunnaassasut aamma oqaatigineqarpoq.

Apequtigineqartut nutsersimaneeril nalornissutigineqassappata kalaallisut allaqqasortaa aallaavineqassaaq. Apequtigineqartut ullut suliffiusut qulit (10) iluanni akeqquneqarput.